

入九鍊之池受鍊而昇天也受鍊過便得食  
青林之華實也金翅之鳥皆以羽衣結為飛  
仙之脈於受鍊者身以登玉清上宮也  
右出元始變化寶具上經  
無上秘要卷之九十七

無上秘要卷之九十八

九七

昇九天品

二月受不驕樂天之氣當以其月五日平旦  
十五日正中二十五日夜半一月三日三時  
香湯沐浴入室燒香西北九拜朝元父東南  
三拜朝玄母還向月連平生叩齒三十六通  
閉眼存呼不驕樂天王姓號諱霞霍霄衣九  
色飛霜雲文斑表頭戴青華歲星玄精冠乘  
白鹿丹霞之輿從上宮玉仙官二十六人來  
下入先身紫微宮中存見青色之雲氣冠而  
兆形良久仍口引雲氣九嘯微呪曰  
三合成綱三靈交泰九真流降日月翼萬七  
星玄映五宿迴蓋三闡明曜萬神冠帶九孔  
清通六府受溉內昌表逸洞觀無外長係天  
地永享四大畢嘯氣九過嘯液九過止行此  
三年肝結紫絡玉秀內發洞明表裏逆觀未  
然九年靈降飛昇九天  
三月受寂然天之氣當以其月六日平旦十  
六日正中二十六日夜半一月三日三時香  
湯沐浴入室燒香西北九拜朝元父東南三

拜朝玄母還向月連平生叩齒三十六通閉  
眼存呼寂然天王姓諱霞慶衣七色龍文  
通光之表頭戴陰精夜光冠乘八景飛輪從  
玉仙十二人下入北身長命宮中存見綠色  
之雲氣鬱鬱冠而兆形良久仍口引雲氣九  
嘯微呪曰

至道冥玄氣潛分九五演流八會命門丹  
宮赤子受氣帝君桃康命籍列奏三元衆真  
監映鍊魄寶魂內鮮外光靈鎮幽關八景翼  
軀九氣降雲飛騰玄虛昇造帝門畢嘯氣九  
過止如此三年騰化玉霜內結紫烟九孔納  
靈與赤子共言九年得乘玄雲紫蓋上昇九  
天

右出洞真九丹上化胎精中記經

五素飛精洞天靈符以立夏之日朱書竹牒  
之上清旦南向服之一年徹視千里三年自  
知神仙九年洞觀九天拜謁九天與靈通言  
飛行九天

右出洞真八素真經

先術天魂精秘音內諱玉佩太陽之符則先

術天太陽之氣主洞陽宮上真內神朱書白素佩身又書白紙本命八節日服之內思洞陽上真三年不闕則觀五頭一身真形內神九天書名南臺帝君下降寢房鍊魂制魄變景八神一十八年飛形九霄

不驕樂天魂精秘音內諱玉佩上陽之符則不驕樂天上陽之氣主絳宮中真內神朱書白素佩身又書白紙本命八節日服之內思絳宮中真三年不闕則見真形或見人身九頭之神授先丹瓊之板位書南嶽先生總錄萬氣固神保真一十八年三元下降迎以飛輪上登九天

上上禪善無量壽天魂精秘音內諱玉佩陽明之符則上上禪善無量壽天陽明之氣主明堂中真內神青書白絹佩身又書白紙本命八節日服之內思明堂中真三年則觀真形自然明知九天上音得九天之書帝君下降八景舉形上昇九天  
波梨答怒天魂精秘音內諱玉佩萌陽之符則波梨答怒天萌陽之氣主臍下丹田宮下

真內神黃書白素佩身又書白紙本命八節日服之內思丹田宮下真三年審見即真形對頰三元下降鍊化形神三部八景運此昇仙飛行太虛上造九天  
右出洞真九真陽符

洞淵九地三十六音

第一壘色潤地正音土皇姓秦諱孝景椿行音土皇姓黃諱昌上父遊音土皇姓青諱玄父基梵音土皇姓黃諱忠陳皇  
右一壘之土四色土皇地載周境四垂不極不窮無邊無際無色之氣  
如是第一壘二皇常以立春之日乘青龍之車執九色之麾從青帝胡老之官巨鱗之騎九千八上詣鬱單無量天奏地仙得道上學之人言名於四天之王

凡修上法當以立春之日平旦入室東向以青筆書土皇內音白紙上而服之叩齒九通仰存四土皇姓諱悉著青羽裙頭達九元通天之冠乘青龍羽車飛行上昇無量天微呪曰

青陽告昇土皇鑒展總領四司普與萬仙天老定錄上願開陳精勤上願得道無親上書帝簡刻名玉篇九壘滅跡飛景瓊軒得齊四皇永保監乾畢東向心拜九過嚙氣九通上如此則土皇刻名九天九地滅跡九陰地官

營衛胡老司迎三十六年得乘青羽飛蓋上昇鬱單無量天

第二壘剛色地正音土皇姓成諱神父先行音土皇姓鬱諱黃母生遊音土皇姓玄諱乾德維梵音土皇姓長諱皇萌  
右二壘之地四色土皇地載周境四垂不極不窮無邊無際無色之氣  
如是第二壘土皇常以春分之日乘黃碧二色之雲十二玄龜執神皇九元之策從青帝胡老之官飛行甲騎八千八上詣上上禪善無量壽天奏地仙得道上學之人言名於四天之王

凡學上法當以春分之日平旦入室東向以青筆書土皇內音黃紙上服之叩齒九通仰存四土皇姓諱悉衣黃錦飛裙頭戴平天之

冠乘黃碧二色雲車十二玄龜執九天之策  
從青帝胡老之官飛行甲騎上昇上上禪善  
無量壽天微呪曰

三通行運季節臨無總鑿地仙上聞帝君天  
老定錄土皇記文上吉之日我道畢分落跡

九陰飛景素雲四氣同符皇人齊群畢更東  
向心拜八過燕氣八通止行之三十六年得

乘飛雲之車上昇上上禪善無量壽天  
第三墨石脂色澤地正音土皇姓張諱維神

係行音土皇姓周諱伯上仁遊音土皇姓朱  
諱明車子梵音土皇姓庚諱文敬士

右三墨之地四色土皇地載周境四垂不極  
不窮無邊無際無色之氣

如是第三墨土皇常以立夏之日乘絳霞之  
雲十二鳳皇執五色之節後越老之官飛行

武騎八千人上詣須延天奏地仙得道上學  
之人言名於四天之王

凡學上法當以立夏之日食後入室南向朱  
筆書土皇內音白紙上服之叩齒九通仰存  
四土皇姓諱悉衣絳紋飛楮頭戴無極連賢

之冠乘絳霞之雲十二鳳皇執五色之節飛  
行上昇須延之天微呪曰

四氣總中八表合朝吉晨臨正九墨發翹執  
錄命仙上昇紫霄列名皇文補仙上僚得乘

朱景逍遙飛颺年齊三光極天不彫畢南向  
心拜八過燕氣八通止行之三十六年得乘

飛雲車上昇須延之天  
第四墨潤澤地正音土皇姓賈諱雲子高行

音土皇姓謝諱伯元無遊音土皇姓已諱父  
奉車梵音土皇姓行諱機正方

右四墨之地四音土皇地載周境四垂不極  
不窮無邊無際無色之氣

如是第四墨土皇常以夏至之日乘絳霞雲  
與十二朱鳥執命魔之幡後越老仙官飛行

武騎八千人上詣寂然天奏地仙得道上學  
之人言名於四天之王

凡學上法當以夏至之日正中入室南向朱  
筆書土皇內音黃紙上服之叩齒九通仰存

四土皇姓諱悉著綠紋之裙頭戴遠遊之冠  
乘絳霞雲與十二朱鳥執命魔之幡飛行上

昇寂然天微呪曰

天清地澄九土鬱玄四運御展上參紫天排  
徊飛與冥景无間八會交慶玉座開陳皇老

判名天王題篇九墨削死司命勒年身入華  
晨永保上仙畢南向心拜八過止行之三十

六年得乘絳雲之與上昇寂然之天  
第五墨金粟澤地正音土皇姓華諱延期明

行音土皇姓黃諱齡我容遊音土皇姓雲諱  
深无淵梵音土皇姓萌諱通八光

右五墨之地四音土皇地載周境四垂不極  
不窮无邊无際无色之氣

如是第五墨土皇常以立秋之日乘素雲之  
與十二白虎執命靈九元之章從五老仙官

飛天電騎六千人上詣不驕樂天奏地仙得  
道上學之人言名於四天之王

凡學上法當以立秋之日脯時入室西向白  
筆書土皇內音青紙上服之叩齒九通仰存

四土皇姓諱悉著素羅飛楮頭戴九元通明  
寶冠乘素雲環與十二白虎執命靈九元之  
章飛行上昇不驕樂之天微呪曰

九重四運梵維告皇元景理命記錄天王刻書帝簡上奏音官九陰賊尸騰身華房永保上仙三晨齋光畢西向心拜六過嘯氣六過止行之三十六年得乘素雲瓊與上昇不驕樂之天

第六壘金剛鐵澤地正音土皇姓李諱上少君行音土皇姓范諱來力安遊音土皇姓長諱李季无梵音土皇姓王諱駟女容

右六壘之地四音土皇地載周境四垂不極不窮无邊无際无色之氣

如是第六壘土皇常以秋分之日乘素雲飛與十二白虎執九色制神之魔從五老仙官飛仙虎騎六千入上詣化應聲天奏地仙得道上學之人言名於四天之王

凡學上法當以秋分之日晡時入室西向白筆書青紙上土皇內音服之叩齒九通仰存四土皇姓諱悉者素錦飛裙頭戴无極進賢之冠乘素雲飛與十二白虎執九色制神之魔飛行上昇化應聲天微祝曰  
白土九壘氣通太微皇老臨晨騰景徘徊未

簡映陳八華揚輝昇入帝庭上披瓊扉五願玄會降致羽衣八景齊真形得昇飛命同天地永保二儀得乘素雲瓊與上昇化應聲天第七壘水利澤地正音土皇姓唐諱初生映行音土皇姓吳諱正法圖遊音土皇姓陳諱

高父微梵音土皇姓京諱仲龍首  
右七壘之地四音土皇地載周境四垂不極不窮无邊无際无色之氣

如是第七壘土皇常以立冬之日乘玄雲飛與二十四玄武執五色命靈之幡從老老仙官騰天之騎五千人上詣梵寶天奏地仙得道上學之人言名於四天之王

凡學上法當以立冬之日午時入室北向墨書土皇內音白紙上服之叩齒九通仰存四土皇姓諱悉者黑雲皂紋飛裙頭戴无極進賢之冠乘黑雲飛與二十四玄武執五色命靈之幡飛行上昇梵寶天微祝曰  
二氣交帶以神迴庭三元臨正土皇命靈雲與羽蓋上昇高清大願開陳我合無形九壘滅跡天真刻名結編玄圖受號華青得乘飛

景化入帝庭畢心拜五過嘯氣五通止行之三十六年得乘黑雲之與上昇梵寶之天第八壘大風澤地正音土皇姓葛諱玄昇先行音土皇姓華諱茂雲長遊音土皇姓羊諱真洞玄梵音土皇姓周諱尚敬原

右八壘之地四音土皇地載周境四垂不極不窮无邊无際无色之氣

如是第八壘土皇常以立冬之日乘黑雲飛與五色飛騎執九色之節從老老仙官騰天之騎五千人上詣梵摩迦夷天奏地仙得道上學之人言名於四天之王

凡學上法當以冬至之日子時入室北向墨書土皇內音白紙上服之叩齒九通仰存四土皇姓諱悉者玄雲錦裙頭戴通天寶冠乘黑雲羽與五色飛騎執九色之節上昇梵摩迦夷天微祝曰  
天敷地陳九象法玄四度昇降八氣明新土皇簡錄玉帝定真名題圖札我獲上仙飛行太虛縱景自然與靈同符與氣長存三變九化昇入帝晨畢心拜四過嘯氣四通止行之



三十六年得玄靈之與飛昇梵摩迦夷之天  
第九壘无色網維地正音土皇姓極諱无上  
玄行音土皇姓斗諱靈无浩遊音土皇姓趙  
諱上伯玄梵音土皇姓具諱慙無伯  
右九壘之地極下洞淵洞源網維天地制使

不落无窮无境无邊无際皆網維之氣  
如是第九壘土皇常以三月一日六月二日  
九月三日十二月四日一年四過乘五色雲  
與九色飛龍執中元命神之章從蒼老仙官  
耀明羽騎萬二千入上詣波梨答怒天奏九  
地學道得仙人名言於四天之王

凡學上法當以其日日入時入室向太歲黃  
書四土皇內音白紙上服之叩齒十二通仰  
存四土皇姓諱著玄黃五色之衣頭戴九元  
通天寶冠足著五色獅子交文之履執文身  
保命之符乘黃霞飛與從五帝王女三十六  
人飛行上昇波梨答怒天微呪曰

二象迴周九精洞靈皇老應符騰虛入清四  
通八達飛霞紫瓊上登金華奉對帝靈記仙  
元錄青官刻名得道日簡封字七靈九壘滅

尸東井鍊形三元降真我道已明得乘飛景  
上登玉庭畢心禮九拜熱氣十二通止行之  
三十六年得乘黃霞飛耕上昇波梨答怒之  
天

右出洞真外國故品經

右九天魄靈太實陰生上景之符刻書金璫  
虹映陰景之內則九天之關樞上清之華蓋  
天無此文則無以為畫冥太空無此文則無  
以為上清故元始刻文於金札之上名曰上  
清金字玉文也其音則天魄之內名也修其  
道服其文九年尅有魂靈帝君九天丞相乘  
白鸞雲輿下降寢房授此神真之道三部八  
景運兆飛空上昇九天  
右出洞真太極金字玉文九天陰符  
無上秘要卷之九十八

無上秘要卷之九十九

昇太清品

春分之日太微天帝君上詣

高上玉皇遊宴之時始景行道受仙日也至  
其日如上法夜半東向叩齒九通仰思玄音

黃三色之雲向東北而迴便心念微言太微  
天帝君乞迴神駕下降我身上我帝簡賜我  
神仙畢還思東方青陽上府玄微宮中始景  
老子道君姓羽諱爾淵幽宛形長九寸  
身著紫青之綬戴九色通天寶冠足躡九色  
之履手執命神之章從太陽仙童三十六人  
乘八景之輿青雲之車參駕蒼龍下治兆身  
明堂宮中仍微呪曰

始景上元招靈致真承炁命節法典帝先迴  
精玄蓋上宴玉晨迴靈下降鎮固我身保精  
鍊炁五臟潔鮮九紫氣流映洞得御神恭乘飛  
景上宴瓊軒畢仰咽九炁此始景之道行之  
八年則玄雲飛輪來迎兆身上昇太清  
立夏之日太極上真三元真人上詣  
紫微宮遊宴之時玄景行道受仙之日也至